

吐之，弦数者风发也，以饮食消息止之。”“温疟者，其脉如平，身无寒但热，骨节烦疼，时吐，白虎加桂枝汤主之。”曹颖甫以自己的实践经验丰富了仲景的论述。

## 102. 疟母

疟母之成，多在病愈之后，岂有疟未差而成疟母者。此痞或在心下，或在脐下，大小不等。唯鳖甲煎丸至为神妙，或半月而消尽，或匝月而消尽。予向治朱姓板箱学徒，及沙姓小孩亲验之。盖此证以寒疟为多，胎疟亦间有之，他疟则否。北人谓疟为脾寒，南人谓无痰不成疟，二者兼有之。脾为统血之藏，脾寒则血寒，脾为湿藏，湿胜则痰多，痰与血并，乃成癥瘕。方中桃仁、蜜虫、蜣螂、鼠妇之属以破血，葶苈以涤痰，君鳖甲以攻痞，而又参用小柴胡汤以清少阳，干姜、桂枝以温脾，阿胶、芍药以通血。大黄、厚朴以调胃，赤硝、瞿麦以利水而泄湿，疟母乃渐攻而渐消矣。

【按】《金匱》曰：“病疟以月一日发，当以十五日愈，设不差，当月尽解；如其不差，当云何？师曰此结为癥瘕，名曰疟母，急治之，宜鳖甲煎丸。”

## 103. 三阴疟

疟之轻者日发，血分热度渐低则间日发，热度更低则间二日发，世俗谓之三阴疟。然此证仲师既无方治，俗工又不能医，故常有二三年始愈者。予早年即好治病，有乡人以三阴疟求诊，诊其脉，迟而弱，予决其为正气之虚，为拟方。后此乡人愈后，将此方遍传村巷，愈十余人。后于李建初书塾诊其侄克仁之子，脉证并同，即书前方授之，二剂愈，名常山草果补正汤。方用：

常山四钱	草果四钱	生潞党五钱
茯苓四钱	全当归八钱	生白术四钱
炙甘草五钱	川芎三钱	熟地一两
小青皮三钱	知母二钱	半夏三钱